

26-03-2024

- चुनां आयोग सी-विजील ऐप राएं चुनां प्रक्रिया उप्पर नेड़मी तक्क रक्खा'रदा ऐ।
- भारतीय चुनां आयोग नै सब्बने राज्यें ते केन्द्र षासत प्रदेशें दे मुख चुनां अफसरें गी चुनाएं दरान गर्मी ते लूह दी चुनौती कन्नै निबड़ने बारे दिषा-निर्देश जारी कीते न।
- प्रधानमंत्री नरेन्द्र मोदी होरें बेल्जियम दे प्रधानमंत्री अलेक्जेंडर डी.क्रू हुदं कन्नै फोन पर गल्ल कीती ते बक्ख-बक्ख क्षेत्रें च आपसी सरबधें गी होर मजबूत करने दे तौर तरीके पर चर्चा कीती।
- वित्त मंत्री निर्मला सीतारमण होरें आक्खेआ जे अटल पेंशन योजना स्वचालित प्रिमीयम भुगतान पर आधारित ऐ।
- पाकिस्तान दे खैबर पखतूनख्वा दे षांगला च होए दे आत्मघाती हमले च 5 चीनी ते इक पाकिस्तान नागरिक दी मौत होई गई ऐ।
- भाजपा नै आँदे लोकसभा चुनाएं लेई त्रै होर मेदवारें दे नाएं दी घोशणा कीती ऐ।



EC-C.Vigil App

चुनां आयोग आस्सेआ सी-विजील ऐप राएं चुनां प्रक्रिया उप्पर नेड़मी तक्क रक्खी जा'रदी ऐं इस ऐप राएं आदर्ष आचार संहिता दी खलाफवर्जी दी रिकार्डिंग ते रिपोर्टिंग करियै फोटो खिच्चियै जां वीडियो दे राएं ऑनलाइन षकैत दर्ज कराई जाई सकदी ऐ। चुनां आयोग दी एह ऐप लोकें दे हत्थें च चुनां आचार संहिता सरबन्धी खलाफवर्जिएं बारे जानकारी देने दा इक असरदार थेआर साबत होआ'रदी ऐ। आदर्ष आचार संहिता दी खलाफवर्जिएं ते खर्चे दी बेजाब्तगिएं बारे बी इस ऐप दे जरियै नागरिक रिपोर्ट करी सकदे न। मुख चुनां कमीषनर राजीव कुमार होरें आक्खेआ ऐ जे सी-विजील ऐप नागरिकें गी सौ मिंटें दे अंदर-अंदर खलाफवर्जी उप्पर कारवाई करने दा भरोसा दुआंदी ऐ। इसी चलाना बी आसान ऐ, जेह्डी जिला कंट्रोल रूम, रिटर्निंग अफसर ते पुलसै दे फ्लाइंग स्काड आले दस्तें कन्नै नागरिकें गी जोड़दी ऐ। एहदे इलावा लोक सियासी तौर उप्पर होए दे माड़े बर्ताव दी षकैत बी फौरन दर्ज कराई सकदे न। जियां गै ऐप उप्पर कोइ षकैत भेजी जाग, षकैतकर्ता गी इक खास षनाख्ती पंछान हासल कराई जाग, जेह्दी सहायता कन्नै ओह अपने मोबाइल फोन उप्पर षकैत दी पेषरपत दिक्खी सकदा ऐ।



EC Advisory

भारतीय चुनां आयोग नै सब्बने राज्यें ते केन्द्र षासत प्रदेशें दे मुख चुनां अफसरें गी चुनाएं दरान गर्मी ते लूह दी चुनौती कन्नै निबड़ने बारे दिषा-निर्देश जारी कीते न। जिंदे च आक्खेआ गेदा ऐ जे मैहकमा मौसम

वित्त मंत्री निर्मला सीतारमण होंरें आकखेआ जे अटल पेंषन योजना स्वचालित प्रीमियम भुगतान पर अधारित ऐ। सीतारमण होंरें सोषल मीडिया पोस्ट च आकखेआ ऐ जे एह इक लाहकारी योजना ऐ ते ग्राहकें दे हित्तें च ऐ। वित्त मंत्री होंर कांग्रेस नेता जयराम रमेश हुंदी इस योजना दी आलोचना दा परता देआ'रदियां हियां। उनें दावा कीता जे श्री रमेश इक षैल पेंषन योजना तैआर करने दे बुनियादी सिद्धांत थमां पूरी चाल्ली अंजान न। उनें गलाया जे अटल पेंषन योजना इक गारंटीयुक्त रिटर्न दिंदी ऐ ते सरकार सब्सिडी दा भुगतान करदी ऐ।

<><><><><><>

Suicide Attack Pakistan

पाकिस्तान दे खेबर पखतूख्या दे षांगला च इक आत्मघाती हमले च चीन दे 5 नागरिक ते इक पाकिस्तानी दी मौत होई गई ऐ। पुलस अधिकारी मूजब आत्मघाती हमलावर नै चीनी इंजीनियरें गी लेइयै जा'रदी गड्डी गी विस्फोटक कन्नै भरोची दी अपनी गड्डी कन्नै टक्कर मारी। एह लोक इस्लामाबाद थमां दासू षिविर जा'रदे हे। पुलस नै मौके पर पुज्जियै राहत कम्म षुरू करी दिता।

<><><><><><>

BJP.LS Candidates

ओंदे लोकसभा चुनाएं लेई भारतीय जनता पार्टी नै चऊं होंर मेदवारें दे नाएं दा ऐलान करी दिता ऐ। राजस्थान च कनैहिया लाल मीणा गी दौसा लोकसभा सीट ते इंदू देवी जाटव गी करौली-घोलपुर लोकसभा सीट लेई बीजेपी मेदवार दे रूपै च चुनां मदाद च तोआरेआ गेआ ऐ। तोआई मणिपुर संसदीय हल्के थमां थौउनाजम बसंता कुतार सिंह बीजेपी दे मेदवार होंगन।

<><><><><><>

Arunachal Pradesh

भाजपा दे वरिष्ठ नेता ते केन्द्रीय मंत्री किरन रिजिजू होंरें पच्छिम अरुणाचल प्रदेश संसदीय क्षेत्र थमां नामांकन दाखल कीता। उनें पच्छमी सिआंग जिले दे आलो च रिटर्निंग अधिकारी दे दफतर च नामांकन दाखल कीता। इस सीट थमां कांग्रेस दे मेदवार ते राज्य दे साबका मुख्यमंत्री नबाम टुकी होंरें बी अपना नामांकन भरेआ। अरुणाचल प्रदेश च 2 संसदीय क्षेत्र न जिंदे च पैहले गेड़ा यानि 19 अप्रैल गी वोट पाए जाने न।

<><><><><><>

HP-BJP Candidates

भारतीय जनता पार्टी दी केन्द्रीय चुनां समिति नै हिमाचल प्रदेश दी 6 विधानसभा सीटें पर होने आले उप-चुनां आस्तै मेदवारें दी घोशणा करी दिती ऐ। हाल च गै कांग्रेस छोड़ियै भाजपा च षामल होए दे सारे

6 बागी विधायकें गी विधानसभा उप-चुनां आस्तै मेदवार बनाया ऐ। इंदे च धर्मषाला थमां सुधीर षर्मा, लाहौल स्पीति थमां रवि ठाकुर, सुजानपुर थमां राजिंदर राणा, बडसर थमां इन्द्रदत्त लखनपाल, गगरेट थमां चैतन्य षर्मा ते कुटलाहर थमां देवेन्द्र कुमार भुट्टो षामल न। इस्सै दरान भाजपा दे वरिष्ठ नेता ते साबका मंत्री रामलाल मारकंडा होरें रवि ठाकुर होरें गी लाहौल स्पीति थमां पाटी। मेदवार घोशत कीते जाने पर आपत्ति जताइ ऐ ते कांग्रेस थमां चुनां लड़ने दी सारत दित्ती।

<><><><><><>

BJP-App Protest

षराब नीति घोटाले च दिल्ली दे मुखमंत्री अरविंद केजरीवाल हुंदी गिरफ्तारी मगरा उंदे स्तीफे दी मंग गी लेइयै दिल्ली प्रदेश भाजपा नै प्रदर्शन कीता। दिल्ली प्रदेश भाजपा अध्यक्ष वीरेन्द्र सचदेवा हुंदी अगुवाई च पार्टी दे कारतकर्ताएं आईटीडी थमां दिल्ली सचिवालय तगर मार्च कड़डेआ।

<><><><><><>

Jaishankar Philippines

विदेश मंत्री डॉ. एस.जयषंकर होरें आक्खेआ ऐ जे अपनी राष्ट्री सम्प्रभुता बरकरार रखने दे फिलिपींस दे जतनें दा, भारत पूरा-पूरा समर्थन करदा ऐ। अज्ज मनीला च अज्ज फिलिपींस दे विदेश मंत्री एनरिक मेनालो हुंदे कन्नै मीडिया गी संबोधत करदे होई उनें आक्खेआ जे हर इक मुख्य गी अपनी राष्ट्रीय सम्प्रभुता बनाई रखने ते उसी लागू करने दा अधिकार ऐ। विदेश मंत्री हुंदा एह ब्यानद कखनी चीन सागर च चीन कन्नै फिलिपींस दे समुंद्री विवाद दी पछोकड़ै च आया ऐ। डॉ. जयषंकर होरें आक्खेआ जे भारत आसियान मुख्यै दी केंद्रीता, एकता ते आपसी तालमेल दा हिमायती ऐ। उनें इब्बी आक्खेआ जे भारत गी नियमें पर आधारित षासन दी तगड़ी पालमा करने कन्नै इस क्षेत्र च बेहतरीन तरक्की ते समृद्धि पर भरोसा ऐ। विदेश मंत्री होरें आक्खेआ जे इस मामले च समुंद्री संविधान दे तौरा पर मानता हासल समुंद्री कनूनें दे सरबंधे च संयुक्त राष्ट्र दी 1982 आली घोशणा टकोहदा महत्व रखदी ऐ ते सब्बने पक्खें गी पूरी चाल्ली इंदी पालमा करनी लोड़चदी। उनें आक्खेआ जे दुनिया भरै च आवा करदे बदलावै गी ध्यानै च रखदे होई एह हार बी मता जरूरी होई गेदा ऐ जे भारत ते फिलिपींस इक दुए कन्नै होर मते नेड़े होइयै कम्म करन तां जे चुनौतिएं दा बेहतर ढंगै नै मकाबला कीता जाई सकै ते उभरदी कुल संसारी बवस्था गी षकल दित्ती जाई सकै।

<><><><><><>